

PAPUA NEW GUINEA

Perdana Menteri:

Sir Micheal Somare

Merdeka: 16 September 1975

Kerajaan: Berperlembagaan/
Demokrasi Berparlimen

Wilayah: 19 daerah termasuk wilayah Ibu Kota

Ibu negara: Port Moresby

Bahasa: Bahasa Inggeris dan beberapa bahasa etnik.

Mata wang: Kina

Penduduk: 5,295,816 (Julai 2003), 52.7% (lelaki) dan 47.3% (wanita).

Keluasan: 462,840 kilometer persegi.

Penempatan penduduk: 14.8% (bandar) dan 85.2% (luar bandar).

Purata kepadatan penduduk: 8.1 orang per kilometer persegi.

Purata kelahiran: 31.07/1000 penduduk

Etnik penduduk: Melanesia, Papua, Negrito, Micronesia, Polinesia.

Agama: Roman Katolik (22%), Lutheran (16%), Presbyterian/Methodist (8%), Evangelican (4%), Advent (10%), Animisme (12%) lain-lain (24%)

Negara jiran: Kawasan Micronesia (utara), Kepulauan Nauru dan Solomon (timur), Australia (selatan) dan Indonesia (barat).

Jumlah pulau: 1,400 buah.

Pendapatan per kapita: RM8,740 (AS\$2,300)


Industri utama: Kelapa kering, minyak kelapa sawit, papan lapis, perlombongan emas, timah dan sektor pelancongan.

Hasil eksport: Emas, tembaga, perak, gas asli, balak dan hasil perikanan.

Import: Mesin, makanan dan ubat-ubatan, bahan kimia, alat ganti kenderaan.

Jumlah eksport: RM6.84 bilion (AS\$1.8 bilion) (2002)

Import: RM4.18 bilion (AS\$1.1 bilion)



Sumber import:

Australia (49.5%), Singapura (18.9%), New Zealand (4.5%), Jepun (4.1%), Malaysia (3.1%), Indonesia (2.8%)

SIR MICHAEL SOMARE

Dr. Mahathir mulakan lawatan rasmi di Papua New Guinea hari ini

uu 20/10/03
KUALA LUMPUR, 23 Okt. — Perdana Menteri, Datuk Seri Dr. Mahathir Mohamad dijadualkan tiba di Port Moresby esok bagi memulakan lawatan rasmi dua hari ke Papua New Guinea.

Lawatan itu adalah atas jemputan rakan sejawatannya, Sir Michael Thomas Somare.

Ia adalah lawatan ketiga beliau ke Papua New Gui-

nea. Lawatan pertama Dr. Mahathir ialah pada 1982 dan lawatan kedua, dua tahun kemudian.

Semasa lawatan itu, Dr. Mahathir dijangka bertukar pandangan bersama rakan sejawatannya mengenai isu-isu kepentingan bersama termasuk meninjau dan mengenal pasti bidang-bidang kerjasama seperti perdagangan dan pelaburan.

Beliau juga akan mengunjungi Gabenor Papua New Guinea, Jen Sir Silas Atopare selain menemui masyarakat perniagaan negara itu dan juga masyarakat Malaysia di sana.

Sebelum ke Papua New Guinea, Dr. Mahathir telah mengadakan lawatan rasmi tiga hari ke Timor Leste.

Dr. Mahathir menjadi ketua kerajaan pertama mela-

wat negara itu yang mencapai kemerdekaan pada Mei tahun lalu dan telah menyampaikan ucapan di Parlimen negara berkenaan.

Lawatan itu juga sebagai membalas lawatan Perdana Menteri Timor Leste, Mari Amude Alkatiri ke Malaysia pada Ogos lepas.

Sebelum ke Timor Leste, Dr. Mahathir mengadakan lawatan kerja dua hari ke Yogyakarta, Indonesia.